



Tri uzroka svakog uspjeha

Hifzanje Kur'ana je putovanje kao nijedno drugo. Hifz testira vašu volju, vaš oslonac i povjerenje u Allaha, dž.š., vaše standarde i vašu odlučnost. To je putovanje koje, ne samo da će promijeniti nečiji život, već će promijeniti i njegovo srce. Hifz je veliki blagoslov i odgovornost. Oni koji nastoje da nauče Kur'an napamet biće iskušavani kako bi naučili lekcije kojima nas Bog uči, jer iako imamo učitelje Allah je taj koji nas zaista uči kroz Kur'an.

Kada se odlučite na neko putovanje koje će vam promijeniti život na bolje, približiti vas Allahu i Njegovim riječima, pomoći vam da ostavite griješenje, da otkrijete svoje nedostatke i popravite svoje slabosti, da uradite što više dobrih djela i da zadobijete Džennet – šejtan prokleti čini sve što može kako bi vas spriječio u tom nastojanju.

On će učiniti sve što je potrebno da sredi, demotivira, učini da se osjećate da ne možete ostvariti svoje ciljeve.... To je stalna borba. Svako kada se sprema na put, traži stvari koje su mu potrebne, a većina ljudi nikada ne zaboravi da spakuje ono što će im najviše trebati. Postoji bezbroj stvari koje su vam potrebne na putu hifzanja Kur'ana, a ja smatram da većina tih stvari potpadaju u tri glavne kategorije ... „Nešto što ja nazivam tri uzroka svakog uspjeha.“

1. Dova

Prvi i najvažniji "D" je dova ". Ona je ključ svega. Ona ti treba prije nego što počneš svoj put, jer prije svega moraš da moliš Allaha, dž.š., da ti pomogne da očistiš svoj nijjet. Ona vam je potreban tokom cijelog vašeg putovanja ... Kada doživiš pad i treba ti pomoć, kada napreduješ u životu isto trebaš biti zahvalan, kada misliš da ne možeš dalje i osjećaš kao da ćeš odustati, traži bereket u vremenu i pamćenju, kao i da tražiš oprost za svoje grijehe, jer upravo su oni glavna prepreka u tvoga memorisanja Kur'ana....

2. Determinacija (čvrsto opredjeljenje)

Možda smatraš da si previše zauzeti ili da imaš opravdan razlog da preskočiš dnevni virid učenja Kur'ana, ali čuvaj se da te šejtan ne obmane pa da misliš kako su tvoji izgovori sasvim uredni, samo da te drži podalje od Kur'ana. Također može biti da ti se pojavi osjećaj lijenosti. Da biste se, uprkos tome, nastavili kretati morate se boriti sa samim sobom! Pokazati svom nefsu ko je gazda.

3. Vremenski rokovi

Da bi se sve ovo ostvarili, potrebni su vam ciljevi. Oni su ono što vas tjera da stalno radite na njihovom ostvarenju i motiviraju vas. Da bi ste to sve postigli, potrebno vam je nešto što će vam pomoći da dođete do tih ciljeva. Nešto što će vam pomoći da se fokusirate i ostanete na pravom putu, te otkloniti lijenost od vas. Bezbroj je članaka napisano i predavanja održano o tome – kako postaviti ciljeve kada je u pitanju hifz Kur'ana, koliko stranica učiti dnevno i koliko preslušavanja

uraditi dnevno. Potrebno je skupa sa muhafizom osmisliti plan rada i aktivnosti što je sastavni dio ovog procesa.

Ovo su tri ključne stvari koje trebate raditi ako želite naučiti Kur'an napamet i ne samo to, već ostvariti bilo koji uspjeh. Ove tri stvari ne samo da će vam pomoći da znate od samog početka šta treba raditi, već ćete se morati podsjećati na njih tokom bilo kojeg vašeg putovanja. Kur'an nije samo živo čudo, već naše životno čudo. Sadrži priče za nas iz čijih primjera možemo puno toga da naučimo, sadrži odgovore na naša pitanja, upozorenja putem kojih nam skreće pažnju, bereket kojim može da ispuni naše živote i djeluje na naša srca mijenjajući ih na bolje. Sve što treba da uradimo je da učinimo prve korake i odgovorimo na Božiji poziv upućen nama u Kur'anu: "Mi smo Kur'an olakšali za pamćenje, pa ima li iko da pouku primi?"

Autor: Nadya Aweinat

Izvor: muslimmatters.org

Za Sebil.eu preveo Fahrudin Vojić